

Bosna i Hercegovina
Federacija Bosne i Hercegovine
FEDERALNO MINISTARSTVO UNUTRAŠNJIH POSLOVA
FEDERALNO MINISTARSTVO UNUTARNJIH POSLOVA
SARAJEVO

Bosnia and Herzegovina
Federation of Bosnia and Herzegovina
MINISTRY OF INTERNAL AFFAIRS OF FEDERATION
OF BOSNIA AND HERZEGOVINA
SARAJEVO

Broj: 01-45-1 -224
Dana: 27. 12. 2023. godine

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE
n/r gđa. Edita Kalajdžić, sekretar Vlade

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI DOM
n/r gosp. Ivan Miličević, sekretar Predstavničkog doma
n/r gđa. Alma Kratina, zastupnica Predstavničkog doma

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 28-12-2023			
Org. jed.	Broj	Priloga	Vrijednost
05/1	-02-	446	123

PREDMET: Poslanička inicijativa gđe. Kratina Alme, zastupnice Predstavničkog doma Parlamenta Federacije Bosne i Hercegovine, odgovor, dostavlja se;-

V E Z A : Akt Vlade Federacije Bosne i Hercegovine, broj: 03-04-1372-1/2023 od 27.11.2023. godine i akt Parlamenta Federacije Bosne i Hercegovine, broj: 05/1-02-446/23 od 23.11.2023. godine.

Poštovani,

Vašim aktom veze dostavljena je ovom Ministarstvu poslanička inicijativa koju je uputila gđa. Kratina Alma, zastupnica u Predstvnikom domu Parlamenta Federacije Bosne i Hercegovine.

Shodno navedenom, u prilogu Vam dostavljamo odgovor Federalne uprave policije u sastavu Federalnog ministarstva unutrašnjih poslova, na upućenu poslaničku inicijativu.

S poštovanjem,



Prilog: Kao u tekstu

AŠ/AŠ

FMUP-ODG

Sarajevo, M. Spahe 7 tel.:(00387 33) 590-201/ 280 020, lok.:3100 / fax:(00387 33) 590-218 / www.fmup.gov.ba



55

PARLAMENT ELDRIK WIL
BARA 22
Preston's Room 1 Hooport
Preston's Room 1 Hooport

Prijemno:			
Org. heb.	Broj	Prilozak	Verjebost
150	02	42	12





Broj : 09-45-1-3228

Datum: 14.12.2023.godine

HITNO

FEDERACIJA BOSNE I HERCEGOVINE
FEDERALNO MINISTARSTVO UNUTRAŠNJIH/UNUTARNJIH POSLOVA
KABINET MINISTRA
n/r gosp. Ministra Rame Isaka

Fedracija - Hercegovina
Federacija Bosne i Hercegovine
FEDERALNO MINISTARSTVO UNUTRAŠNJIH/UNUTARNJIH POSLOVA
POLICE ADMINISTRATION

Primljeno	19.12.2023
Org. jec	
01	2419

Predmet: Poslanička inicijativa, gđa Alma Kratina, Predstavnički dom Parlamenta Federacije Bosne i Hercegovine, odgovor dostavlja se

Veza: akt Vlade FBiH broj 03-04-1372-1/23 od 27. novembra 2023. godine, email zaprimljen 29. novembra od amir.sutrovic@fmup.gov.ba

Poštovani,

Shodno aktu broj i datum veze kojim se Federalnoj upravi policije dostavlja pokrenuta inicijativa Zastupnice Predstavničkog doma Parlamenta Federacije Bosne i Hercegovine gđe Alma Kratina, zastupnice Demokratske fronte koja je Vladi Federacije Bosne i Hercegovine dostavljena aktom sekretara Predstavničkog doma Parlamenta Federacije Bosne i Hercegovine, broj: 05/1-02-446/23 od 23. novembra 2023. godine a koja je upućena prema nadležnim ministarstvima između ostalih i prema Federalnom ministarstvu unutrašnjih/unutarnjih poslova u kojoj se od subjekata za zaštitu žrtava porodičnog nasilja Tuzlanskog kantona i Kantona Sarajevo traži:

- dostavljanje rezultata provedenih analiza postupanja subjekata zaštite kada su u pitanju slučajevi nasilja sa smrtnim ishodom u Gradačcu i Sarajevu, u slučaju ubistva Nizame Hećimović i Emire Maslan uz informaciju da li su provedene interne istrage postupanja službenika u okviru institucija u lancu zaštite žrtve i da li je u slučaju ubistva Nizame Hećimović neovisno tijelo izvršilo procjenu postupnja nadležnih tijela u Gradačcu ;
- da se shodno zajedničkim ustavnim nadležnostima federalne i kantonalne vlasti koje obuhvataju zaštitu od nasilja u porodici kao i na rješavanju slučajeva nasilja u porodici dostavi pregled i rezultati poduzetih aktivnosti na rasvjetljavanju zadnja dva slučaja porodičnog nasilja u Gradačcu i Sarajevu i pregled provedenih aktivnosti na zaštiti žrtava nasilja u okviru trenutno važećih

zakona i podzakonskih akata u okviru saradnje sa kantonalnim subjektima zaštite žrtava nasilja u porodici; obavještavamo Vas o sljedećem :

- Provedene aktivnosti Uprave policije Ministarstva unutrašnjih poslova Tuzlanskog kantona vezane za slučaj nasilja u porodici sa smrtnim ishodom koji se dogodio dana 11.08.2023. u Gradačcu: Sektor kriminalističke policije uprave policije MUP-a TK postupajući po navedenom slučaju Kantonalnom tužilaštvu TK-a dostavlja tri izvještaja i to : Izvještaj o događaju broj: 08-06/3-1-03-3-4080/23 od 17.08.2023., Izvještaj o preduzetim mjerama i radnjama broj: 08-06/3-5-03.2-3-4080/23 od 23.08.2023.godine i Izvještaj o preduzetim mjerama i radnjama broj: 08-06/3-4-03.3-3-4083/23 od 23.08.2023. godine
- U vezi navedenog događaja od strane Jedinice za profesionalne standarde uprave policije MUP-a TK proveden je inspekcijski nadzor kojom prilikom su utvrđeni određeni nedostaci i propusti u postupanju policijskih službenika PU Gradačac, zbog čega je od strane odsjeka za unutrašnje istrage pokrenut i okončan interni postupak, provedenim internim postupkom utvrđeni su propusti u radu policijskih službenika, zbog čega su protiv tri policijska službenika uprave policije MUP-a TK podnesene inicijative za pokretanje disciplinskih postupaka.
- U narednom periodu, u zavisnosti od ishoda pokrenutih disciplinskih postupaka i postupka pred Kantonalnim tužilaštvom TK-a uprava policije MUPa TK će poduzimati dalje mjere i radnje iz svoje nadležnosti.
- Policijski službenici Sektora kriminalističke policije, Uprave policije MUP-a KS pod nadzorom postupajućeg tužioca Kantonalnog tužilaštva Kantona Sarajevo u cilju otkrivanja izvršioca i rasvjetljavanja krivičnog djela poduzimali potrebne mjere i radnje, prikupljali obavještenja i dokaze te dokumentovali činjenice u vezi postojanja osnova sumnje da je u vremenskom periodu od dana 12.11.2023. godine do dana 13.11.2023.godine u stanu na adresi Bosanska broj 1, Općina Novi Grad, od strane lica Bećirović Anela, izvršeno krivično djelo Ubisto iz člana 166. Krivičnog zakona Federacije Bosne i Hercegovine na štetu Maslan Emire iz Sarajeva.
- Dana 13.11.2023. godine na adresi Aleja lipa broj 45., općina Novo Sarajevo, zbog postojanja osnova sumnje da je izvršio gore navedeno krivično djelo lišeno je slobode lice Anel Bećirović, sin Aziza, rođen 11.04.1989. godine u Sarajevu, koji je dana 14.11.2023. godine nakon izvršene kriminalističke obrade u službenim prostorijama MUP-a Kantona Sarajevo uz izvještaj o izvršenom krivičnom djelu Ubistvo iz člana 166. stav 1. KZ F BiH predat u nadležnost Kantonalnom tužilaštvu Kantona Sarajevo.

-
- Kompletan prikupljeni operativni materijal dostavljen je u nadležnost Kantonalnom tužilaštvu Kantona Sarajevo, dok policijski službenici Odjeljenja za krvne, seksualne delikte i ratne zločine uz nadzor i prema uputama postupajućeg tužioca KTKS nastavljaju poduzimati mjere i radnje u cilju daljeg dokumentovanja pomenutog krivičnog djela.

U dijelu poslaničke inicijative a koja se odnosi na zajedničke ustavne nadležnosti federalne i kantonalne vlasti koje obuhvataju zaštitu od nasilja u porodici kao i na rješavanju slučajeva nasilja u porodici koji su vezani za rješavanje slučajeva porodičnog nasilja u Gradačcu i Sarajevu informišemo Vas u konkretnom slučaju femicida u Gradačcu provedene sljedeće mjere :

- Po saznanju za počinjeno djelo Ubistvo iz člana 166. stav 1. KZ F BiH Federalna uprava policije Federalnog ministarstva unutrašnjih poslova stavila je na raspolaganje Ministarstvu unutrašnjih poslova Tuzlanskog kantona i nadležnom tužilaštvu sve svoje kapacitete, posebno Odsjek za borbu protiv cyber kriminala.
- Dana, 05.10.2023. godine, direktor Federalne uprave policije Vahidin Munjić sa saradnicima posjetio je Kantonalno tužilaštvo Tuzlanskog kantona i održao radni sastanak s glavnim kantonalnim tužiocem Tomislavom Ljubićem i njegovim zamjenicima s ciljem poboljšanja saradnje, te pronalaska načina za bolji i kvalitetniji rad u smislu dokumentovanja krivičnih djela iz domena Uprave policije i Kantonalnog tužilaštva Tuzlanskog kantona.
- Razgovarano je i o aktuelnim predmetima u kojima se provode istražne radnje od strane Federalne uprave policije, a pod nadzorom Kantonalnog tužilaštva Tuzlanskog kantona. Zaključeno je da saradnja Kantonalnog tužilaštva Tuzlanskog kantona sa Federalnom upravom policije treba da se održi na značajnom nivou, u cilju profesionalnog, efikasnog rada na predmetima kako policijskih službenika tako i tužilaca.

S poštovanjem,

**DIREKTOR**
(po ovlaštenju Vlade FBiH)
GLAVNI INSPEKTOR
Vahidin Munjić